

## Pavasare linksmomā

Ka dēinelēs prailgiejē  
Cīrolis žemē prikielē  
Pakrūmēs baluoms pražēla  
Šalposnē židielis kēla.

Veikē ēivas sužīdies  
Vēsē paopē kvepies.  
Nu pēiniu laukā nušvēs  
Ont žēidieliu rasa krēs.

Jau žibutē atsēmerkē  
Aki mielēna pamerkē,  
Vākā biekēt i pakrūmēs  
Kvietkas oustikēt sutūpē.

Tiktā mūsa ndraskīkēt  
Ēr žēidieliu neskabīkēt.  
Kitās metās mes žīdiesem  
Ēr apēntās jums kvepiesem.

Jau špuokielis parplasnuojē  
Mūsa kēimē puoniavuojēs,  
Špuokinīčēs če sokaltas  
Longinīčēs švēisēs – baltas.

Tik plasnuo so sparnelēs  
Gēid vēsuokēs balselēs.  
Sveikēn sava tievēškelē,  
Diekavuo mums ož truobelē.

Žvērblē karklīnatie pešas  
Baisē glaunēs vaikēs nešas.  
Diel panieliu sosēruovē,  
Vēns kētam koudus nuruovē.

Kregždēs sorokou kap sesēs,  
Veizas kap tēi žvēblē pešas.  
Jegu lēzda korē užimtom –  
Poltom vēsas ēr išgintom.